

---

## TOSHLOQDA “INSON” IJTIMOY XIZMATLAR MARKAZINING YANGI BINOSI FOYDALANISHGA TOPSHIRILDI

So'ngi yillarda aholining ijtimoiy himoyasini kuchaytirish, davlat tomonidan fuqarolarga ijtimoiy xizmat ko'rsatish ko'lami va turlarini kengaytirish bo'yicha tizimli ishlar amalga oshirilmoqda. “Inson” ijtimoiy xizmatlar markazlari faoliyatini yo'lga qo'yilishi ham insonga e'tiborning navbatdagi ko'rinishidir.

Bugun Toshloq tumanida “Inson” ijtimoiy xizmatlar markazining yangi binosi foydalanishga topshirildi. Ochilish marosimida tuman hokimi Abduqahhor Djurabayev, sektor rahbarlari, nuroniylar va faollar ishtirok etdi. Unda so'z olgan tuman hokimi prezidentimiz tashabbusi bilan aholi farovonligi va inson qadr qimmatini uchun tashkil qilinayotgan mazkur tizimda fuqarolar manfaati ko'zlanganligini, ushbu markazlar xalqimiz orasida ijtimoiy muhitni barqarorlashtirish hamda aholi ehtiyojlarini qondirish va muammolarini bartaraf qilishda yuqori samara berishi haqida to'xtalib o'tdi.

Tadbir ishtirokchilari yangi va zamonaviy jihozlangan ushbu markaz binosida fuqarolar hamda xodimlar uchun yaratilgan qulayliklar bilan tanishdilar.

Endilikda bu binoda ijtimoiy xizmat va yordamlarning 49 turi, jumladan, nogironlikni belgilash, protez-ortopediya bilan ta'minlash, sanatoriylarga yuborish, psixologik yordam va ijtimoiy nafaqa tayinlash bo'yicha xizmatlar ko'rsatish yo'lga qo'yiladi.

2024-02-17 15:05:56